

num erat, solam secum virginem eduxerat. Vbi cum puella stante, matrona sedēs tacita, & aliquid operiens, quod ad omen traheret diutius mansisset, defessa rupit tandem virgo silentium, Orans materteram, vt sibi paululum quiescendi copiam faceret. Et illa consurgens: Imò verò, inquit, filia, libens tibi concedo meas sedes. Id responsum defuncta mox Cæcilia virgine, viro eius nupta, cōfirmatum commemorant.

## ALIUD.

**H**is illa conueniunt: Petilius cum Liguribus Lætum montem, qui hostium præsidio tenebatur adortus, pertinacius obnititur, suosque in prælium accendit: Hodie, ait, ego vtique Lætum capiam. Id confestim Læto eius consecuto, æquiucum omen apparuit.

## ALIUD.

**C**Rassus dum Rhodiis Deorum simulachra cupidè subtraheret, & illi humiliter precarentur, ne omnia subriperet: Solem se relinquere, ait. Locatus in eorum Religiones, apud quos Sol perstudiosè colebatur: Nec multò post prælio victus, & vitam & Solem relinquere compulsus est. Infinita sunt eiusmodi, quæ ap-